

ՆԱԽԱԳԱՐԱԿԱՆ ԸՆՏՐՈՒԹՅՈՒՆՆԵՐ - 2018

ԸՆՏՐՈՒԹՅՈՒՆՆԵՐԻ ԵՐԿՐՈՐԴ ՓՈՒԼԸ ԿԱՆՑԿԱՑՎԻ ՆՈՅԵՄԲԵՐԻ 28-ԻՆ



Նոյեմբերի 14-ին, Վրաստանի Կենտրոնական ընտրական հանձնաժողովի նիստում, հայտարարվեցին ընտրությունների առաջին փուլի վերջնական արդյունքները եւ, համապատասխանաբար, նշանակվեց երկրորդ փուլի օրը:

րոզը հնարավորություն ունենա քվեարկել աշխատանքային օրվա ավարտից հետո: Իսկ Աֆղանստանում ընտրություն-

ները երկրորդ փուլը տեղի կունենա ուղիղ երկու շաբաթ անց, այսինքն, նոյեմբերի 28-ին: Քանի որ ընտրությունների օրը համընկել է աշխատանքային շաբաթվա կեսին, չորեքշաբթի օրը, իսկ Վրաստանի օրենսդրության համաձայն, ընտրությունների օրը պետք է լինի ոչ աշխատանքային, ապա նոյեմբերի 28-ը պաշտոնապես հայտարարվել է հանգստյան օր:

Արտերկրում ընտրական օրը տեւելու է ոչ թե մինչեւ ժամը 20:00-ը, ինչպես Վրաստանում, այլ՝ մինչեւ օրվա ավարտ՝ 24:00, որպեսզի ընտ-

ները տեղի կունենա նոյեմբերի 26-ին:

Նշենք, որ Կենտրոնական ընտրական հանձնաժողովը նախագահական ընտրությունների երկրորդ փուլի համար 10 մլն լարիի հատկացման եւ բաշխման վերաբերյալ որոշում է ընդունել:

Ընտրություններին կմասնակցեն 2 թեկնածուներ, ովքեր առաջին փուլում հավաքել են առավելագույն ձայները՝ Գրիգոր Վաշաձեն՝ 5-րդ համարի ներքո, եւ Սալոմե Ջուրաբիշվիլին՝ 48-րդ համարի ներքո:

(Խորագրի շարունակությունը՝ 4-րդ էջում)

ԱՅՑ

ՎՐԱՍՏԱՆԻ ՆԱԽԱԳԱՐԸ ՄԱՍՆԱԿՑԵՑ ԱՌԱՋԻՆ ԱՇԽԱՐՀԱՄԱՐՏԻ ԱՎԱՐՏԻ 100-ԱՄՅԱ ՀՈԲԵԼՅԱՆԻՆ

Նոյեմբերի 11-ին Փարիզում անցկացվեց Առաջին աշխարհամարտի ավարտի 100-ամյակին նվիրված հորեյականական միջոցառում, որին մասնակցեցին աշխարհի ավելի քան 60 երկրների ղեկավարներ: Մասնակիցների թվում էր նաեւ Վրաստանի նախագահ Գիորգի Մարգվելաշվիլին՝ տիկնոջ հետ:

Վրաստանի նախագահը, Առաջին աշխարհամարտում կնքված զինադադարի 100-ամյակին նվիրված միջոցառումներին մասնակցող պետությունների, կառավարությունների եւ միջազգային կազմակերպությունների ղեկավարների հետ միասին, եղավ Փարիզի Շառլ դը Գոլի հրապարա-

կում, որտեղ եւ տեղի է ունեցել հանդիսավոր արարողությունը:

Առաջին աշխարհամարտում կնքված զինադադարի 100-ամյակին նվիրված միջոցառումների շրջանակում, Գիորգի Մարգ-



վելաշվիլին մասնակցեց «Փարիզի խաղաղության համաժողովի» աշխատանքին:

ՖԻՆԱՆՍՆԵՐ

ԽՈՐՀՐԴԱՐԱՆԸ ՁԵՌՆԱՄՈՒԽ ԵՂԱՎ 2019 ԹՎԱԿԱՆԻ ՊԵՏԲՅՈՒՋԵԻ ՆԱԽԱԳԾԻ ՔՆՆԱՐԿՄԱՆԸ

Նոյեմբերի 13-ին, Վրաստանի ֆինանսների նախարար Իվանե Մաճավարիանին, Վրաստանի խորհրդարանի լիազույժար նիստում, ներկայացրեց երկրի 2019 թվականի պետությունի նախագիծը:

Ֆինանսների նախարարի հայտարարությամբ, նախագիծը մշակվել է տնտեսական աճի 4,5 տոկոսի հաշվառմամբ եւ ծախսերի համար առանձնացվել է 12 միլիարդ 729 մի-

լիոն 700 հազար լարի, ինչը 300 միլիոն լարիով գերազանցում է 2018 թվականի բյուջեն:

(Շարունակությունը՝ 2-րդ էջում)



ՄՈՒՆԻՑԻՊԱԼԻՏԵՏՆԵՐԻ ՖԻՆԱՆՍԱՎՈՐՈՒՄԸ ԿԱՎԵԼԱՆԱ 107 ՄԻԼԻՈՆ ԼԱՐԻՈՎ

Վրաստանի խորհրդարանում, 2019 թվականի բյուջեի նախագծի քննարկման ընթացքում, Վրաստանի խորհրդարանի տարածաշրջանային քաղաքականության եւ ինքնակառավարման հանձնաժողովի նախագահ Ջազա Գաբունիան անդրադարձավ 2019 թվականին իրականացվելիք նախագծերին:

Ըստ նրա, 2019 թվականին մունիցիպալիտետների համար հատկացվող գումարը 107 միլիոն լարիով կավելանա:

- Ֆինանսավորման շրջանակներում, կվերսկսվի «Գյուղին՝ աջակցություն» ծրագիրը, կավելաց-

(Շարունակությունը՝ 2-րդ էջում)

ՀԱՅԱՍՏԱՆ

ՆԻԿՈԼ ՓԱՇԻՆՅԱՆԸ ՀԱՆԴԻՊԵՑ ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԳԱՐԵԳԻՆ ԵՐԿՐՈՐԴԻ ՀԵՏ

Նոյեմբերի 14-ին Հայաստանի վարչապետի պաշտոնակատար Նիկոլ Փաշինյանն այցելեց Մայր Աթոռ Սուրբ Էջմիածին եւ հանդիպում ունեցավ Ն.Ս.Օ.Տ.Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի հետ:

Ողջունելով Նիկոլ Փաշինյանին՝ Ամենայն Հայոց Կաթողիկոսը նշեց. «Գիտենք, անշուշտ, որ Ձեր օրակարգը շատ ծանրաբեռնված է, բայց այս հանդիպումն էլ ամիրաժեշտություն է, որպեսզի մեր եկեղեցուն մեր ազգային կյանքը հուզող



մի շարք հարցերի մասին կարողանանք Ձեզ հետ քննարկումներ ունենալ եւ նաեւ ստանալ մեր եկեղեցուն հուզող հարցերին առչնվող լուծումներ: Անշուշտ, գիտենք, որ երկրի առջեւ բազում մարտահրավերներ կան, եւ կարելու իրադարձություններ նաեւ առջեւում են՝ Ազգային ժողովի ընտրությունները: Մեր ցանկությունն է եւ մեր մաղթանքը, որ ընտրությունները խաղաղ ըն-

թացք ունենան, ընթանան համերաշխ մթնոլորտում առանց անցանկալի միջադեպերի, նպաստեն մեր ժողովրդի, մեր երկրի բարի անվան եւ բարի հեղինակության բարձրացմանը, արդյունքներն էլ նպաստեն մեր երկրի առաջընթացին: Կրկին մեր լավագույն բարեմաղթանքներ Ձեզ եւ բարի գալուստ Սուրբ Էջմիածին»:

(Շարունակությունը՝ 7-րդ էջում)

ՎՐԱՍՏԱՆ - ՀԱՅԱՍՏԱՆ

ԱՊՐԱՆՔՆԵՐԻ ՆԵՐՄՈՒԾՄԱՆ ԳՈՐԾԸՆԹԱՑԸ ԿԱՐԱԳԱՑՎԻ

Նոյեմբերի 14-ին, Վրաստանում Հայաստանի դեսպանատունը, ապրանքների ներմուծման գործընթացի արագացման հետ կապված, հայտարարություն է տարածել:

«Տեղեկացնում ենք, որ Հայաստանի եւ Վրաստանի մաքսային ծառայությունները շուտով կնեղոնեն տվյալների էլեկտրոնային փոխանակման համակարգ, որը կարագացնի սահմանի բեռների ստուգման գործընթացը:

Վրացի մաքսավորները, Հայաստանի սահմանին ապրան-

քի մասին տվյալներ հավաքելիս, դրանք կգաղտնագրեն թվային կոդով եւ կփոխանցեն հայկական կոդին, որը թույլ կտա հայկական մաքսակետում ապրանքը նորից չզգնել (կամ՝ զննել միայն ծայրահեղ անհրաժեշտության դեպքում)», - նշված է դեսպանատան հայտարարության մեջ:

ԵՎՐԱՆՏԵԳՐՈՒՄ

ԴՐԱԿԱՆ ԳՆԱՀԱՏԱԿԱՆ՝ ԱՍՈՑԻԱՑՄԱՆ ՀԱՄԱՁԱՅՆԱԳՐՈՎ ՍՏԱՆՁՆԱԾ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆԸ

Նոյեմբերի 14-ին, Եվրախորհրդարանն իր լիազույժար նիստում՝ 528 կողմ, 97 դեմ եւ 34 ձեռնպահ ձայներով ընդունեց Վրաստանի կողմից Ասոցիացման համաձայնագրով ստանձնած պարտավորությունների կատարման հարցով Եվրախորհրդարանի պատգամավոր Անդրես Մամիկինսի զեկույցին առնչվող բանաձեռը:



Բանաձեռում դրական գնահատական է տրվել Ասոցիացման համաձայնագրով, համընդհանուր եւ ծավալուն ազատ

առեւտրի պայմանագրով նախատեսված պարտավորությունների կատարման գործընթացին:

(Շարունակությունը՝ 2-րդ էջում)

ՖԻՆԱՆՍՆԵՐ

ԽՈՐՀՐԴԱՐԱՆԸ ՁԵՌՆԱՄՈՒԽ ԵՂԱՎ 2019 ԹՎԱԿԱՆԻ ՊԵՏՐՅՈՒՋԵՒ ՆԱԽԱԳԾԻ ՔՆՆԱՐԿՄԱՆԸ

(Սկիզբը՝ 1-ին էջում)

Ըստ Իվանե Մաճավարիանու, վերոնշյալ գումարի շուրջ 30 տոկոսը նախատեսված է սոցիալական ծախսերի ֆինանսավորման համար:

2019 թվականի պետբյուջեն բնութագրելով՝ որպես երկրի առաջընթացի հուսալի նախադրյալի, Իվանե Մաճավարիանին նշեց, որ բյուջեն հաշվարկված է տնտեսական աճի մինչև 5 տո-

կոսի ավելացման ուղղությամբ:

Նախարարի հավաստմամբ, նման հաշվարկման հիմք է ծառայել այն փաստը, որ ընթացիկ տարվա համար ծրագրված 4,5 տոկոսի տնտեսական աճի փոխարեն, անցած ինն ամիսներին Վրաստանի էկոնոմիկան աճել է 4,9 տոկոսով:

Նախարարն անդրադարձավ միջազգային տարբեր վարկանիշներով Վրաստանի բացահայտ առաջադիմության հարցին՝ նշելով, որ Համաշխարհային

բանկի տվյալներով, բիզնեսի իրականացման վարկանիշով Վրաստանն առաջադիմել է 6 հորիզոնականով եւ հայտնվել եվրոպական երկրներից Դանիայի հետ միասին երկրորդ հորիզոնականում:

Ինչպես հայտարարեց Իվանե Մաճավարիանին, 2019 թվականի պետբյուջեի նախագծի մշակմանը, կառավարությունն ակտիվ խորհրդատվություններ է անցկացրել Արժույթի միջազգային հիմնադրամի առաքելության հետ:

ՄՈՒՆԻՑԻՊԱԼԻՏԵՏՆԵՐԻ ՖԻՆԱՆՍԱՎՈՐՈՒՄԸ ԿԱՎԵԼԱՆԱ 107 ՄԻԼԻՈՆ ԼԱՐԻՈՎ

(Սկիզբը՝ 1-ին էջում)

Վի երկրամասերում գազաֆիկացման ծրագրի ֆինանսավորումը, մունիցիպալիտետների դպրոցների եւ մանկապարտեզների ենթակառուցվածքների զարգացման համար կհատկացվի 120 միլիոն լարի, լրացուցիչ 50 միլիոն լարի կավելանա փախստականների ապրելակերպի բարելավման համար: Թափոնների կառավարման ծրագրի

դիվերսիֆիկացիայի եւ առանձին շրջաններում կոնկրետ ծրագրերի ֆինանսավորման ուղղությամբ նախորդ տարվա բյուջեից 4 անգամ ավելի շատ ֆինանսավորում կիրականացվի»,- հայտարարեց Զաքա Գաբունիան:

2019թ. բյուջեի նախագիծը ուղեկցվում է երկու լրացուցիչ փաստաթղթերով, դրանք են բյուջեի եւ ինքնակառավարման օրենսգրքերում փոփոխություն, ըստ որի էլ մտնում

է նոր ձեւակերպում, նոր որոշում, որի համապատասխան մունիցիպալիտետները հաջորդ տարվանից կստանան ավելի շատ ֆինանսական աջակցություն՝ զարգացման եւ տեղում խնդիրներին ծանոթանալու եւ պատասխանելու համար:

Ինչպես նաեւ բյուջեի ավելացում է իրականացվել առողջապահության ոլորտում, բյուջեին ավելացել է 60 միլի-



ոն լարի, իսկ սոցիալական ուղղությամբ բյուջեն ավելացել է 300 միլիոն լարիով:

ԵՎՐԱՄԻՆՏԵԳՐՈՒՄ

ԴՐԱԿԱՆ ԳՆԱՀԱՏԱԿԱՆ՝ ԱՍՈՑԻԱՑՄԱՆ ՀԱՄԱՁԱՅՆԱԳՐՈՎ ՍՏԱՆՁՆԱԾ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆԸ

(Սկիզբը՝ 1-ին էջում)

Միաժամանակ, Եվրախորհրդարանը վրացական իշխանություններին կոչ է անում շարունակել կայունության, ժողովրդավարական բարեփոխումների եւ տնտեսական ու սոցիալական մակարդակի բարելավման ուղղությամբ իրականացվող աշխատանքները՝ ուղղված Վրաստանի այն քաղաքացիներին, ուն վրա զգալիորեն անդրադարձել են աղքատությունը, գործազրկությունը եւ տնտեսական գաղթի բարձր մակարդակը:

Բանաձեւում ընդգծված է, որ Ռուսաստանի Դաշնությունը շարունակում է Վրաստանի տարածքների ապօրինի բռնագավառում: Նշված է նաեւ, որ Եվրամիությունը շարունակում է Վրաստանի ինքնիշխանության եւ տարածքային ամբողջականության պաշտպանությունը: Բանաձեւում մտահոգություն կա նաեւ Թուրքի-

այի կողմից Վրաստանում ապրող Թուրքիայի քաղաքացիների, այդ թվում՝ հանրակրթական հաստատությունների վրա իրականացվող ճնշման հետ կապված:

Բանաձեւում ընդգծվել է ազատ եւ անկախ ԶԼՄ-ների, խմբագրական քաղաքականության, բազմակարծության եւ ԶԼՄ-ների պատկանելության թափանցիկության կարելիությունը:


Մեկնաբանելով Եվրախորհրդարանի կողմից ընդունված բանաձեւը, Եվրոպական դրաֆիական քաղաքականության եւ ընդլայնման բանակցությունների հարցերով Եվրահանձնակատար Յոհաննես Հանը հայտարարեց, որ Լսոցիացման համաձայնագրի կատարման ուսումնասիրությունը կշարունակվի:

Նրա խոսքով, Եվրամիությունն աջակցում է Վրաստանի ջանքերին՝ անցկացնել բարեփոխումներ: Ինչպես նշել է Եվ-

րահանձնակատարը, Վրաստանի մասին զեկույցը ցույց է տալիս այն առաջընթացը, որն ունի երկիրը Լսոցիացման պայմանագրի եւ ազատ առեւտրի համաձայնագրի կատարման գործընթացում:

- Ձեկույցում խոսվում է դրական կապերի մասին, որոնք գոյություն ունեն Եվրամիության եւ Վրաստանի միջեւ: Մեր հարաբերությունները սերտ են: Եվրամիությունը Վրաստանի խոշորագույն առեւտրական գործընկերն է: Մերտ հարաբերությունների մասին է վկայում նաեւ այն փաստը, որ, նոյեմբերի 21-ին, Բրյուսելում, անցկացվելու է բարձր մակարդակի հանդիպում՝ Եվրահանձնաժողովի անդամների եւ Վրաստանի կառավարության միջեւ: Հանձնաժողովի կողմից հանդիպումը գլխավորելու է Եվրահանձնաժողովի նախագահ ժան Կլոդ Յունկերը:

Միեւնույն ժամանակ, բարեփոխումների աջակցությունը պետք է ավելանա այնպիսի ոլորտներում, ինչպիսիք են իրավապահ կառույցները եւ արդարադատությունը,- հայտարարեց Յոհաննես Հանը:



ԱՄՆ

ԿԱԼԻՖՈՐՆԻԱՅՈՒՄ ՀՐԴԵՐԻ ԹԻՎԸ ՀԱՍԵԼ Է 50-Ի

Կալիֆոռնիայում անտառային հրդեհների զոհերի թիվը հասել է 66-ի, եւս 228-ը համարվում է անհայտ կորած:

Կալիֆոռնիայի նահանգի պատմության մեջ ամենաավերիչ հրդեհը բռնկվել է նոյեմբերի 8-ին: Հրդեհ ծառայության աշխատակիցներին, ուժեղ քամու պատճառով, կրակը մեկուսացնել չի հաջողվել: Մասշտաբային կրակն այրել է շուրջ 7 հազար շինություն: Ամբողջ նահանգում ավելի քան 300 հազար մարդ հարկադրված է եղել լքել իր տունը: Հիմնական մասը տարահանվել է Լոս Անջելեսի օկրուգում՝ 170 հազար մարդ: Կրակի դեմ պայքարելու համար մոբիլիզացվել են ավելի քան 5,1 հազար հրշեջներ, 622 միավոր հատուկ տեխնիկա, 21 ուղղաթիռ, 107 բուլդոզեր եւ 71 ավտոցիստեռն ջրի փոխադրման համար:

Նոյեմբերի 12-ին Դոնալդ Թրամփը նահանգը հայտարարել էր արտակարգ դրության գոտի:

ՄԵԾ ԲՐԻՏԱՆԻԱ

Brexit-ի ՇՈՒՐՁ

ԲԱՆԱԿՑՈՒԹՅՈՒՆՆԵՐԻ ԱՌԱՋԻՆ ՓՈՒԼՆ ԱՎԱՐՏՎԵՑ

Բրյուսելը եւ Լոնդոնը հայտարարել են Եվրամիությունից Մեծ Բրիտանիայի դուրս գալու պայմանագրի նախագծի համաձայնեցման մասին, որը տեղի կունենա 2019 թվականի մարտի 29-ի լույս 30-ի կեսգիշերին: Ըստ որում, կանոնակարգված Brexit-ը դեռեւս երաշխավորված չէ: Վաստաթուղթը պետք է ստանա Եվրախորհրդարանի, ինչպես նաեւ՝ Եվրամիության բոլոր պետությունների խորհրդարանների, ներառյալ Մեծ Բրիտանիայի խորհրդարանի հավանությունը:

Բանակցությունների գլխավոր խնդիրը՝ իռլանդական սահմանի հարցը, այդպես էլ մնացել է չլուծված: Բանագնացները հռչակագիր են հրապարակել այն մասին, որ լուծումը կգտնեն մինչեւ 2020 թվականի հունիսի 1-ը՝ Brexit-ից հետո անցումային շրջանի ավարտից վեց ամիս առաջ, որը կավարտվի 2020 թվականի վերջին:

Եվրախորհրդի նախագահ Դոնալդ Տուսկը հայտարարեց, որ Brexit-ի վերաբերյալ համաձայնագրի համաձայնեցման աշխատանքի ավարտին մկրված ԵՄ-ի արտաքին զգաթաժողովը պետք է տեղի ունենա նոյեմբերի 25-ին:

ՀՐԱԺԵՇՏ

ՀԱՅԱՍՏԱՆԸ ՀՐԱԺԵՇՏ ՏՎԵՑ ԼԵԳԵՆԴԱՐ ԾԱՆՐԱՄԱՐՏԻԿԻՆ

Ինչպես արդեն հաղորդել ենք, նոյեմբերի 2-ին, 62 տարեկանում, ԱՄՆ-ում մահացել է հայկական սպորտի լեգենդ, օլիմպիական խաղերի չեմպիոն Յուրի Վարդանյանը: Նոյեմբերի 11-ին ԽՍՀՄ սպորտի վաստակավոր վարպետ, աշխարհահռչակ ծանրորդ, օլիմպիական խաղերի, աշխարհի եւ Եվրոպայի բազմակի չեմպիոն Յուրի Վարդանյանի աճյունը ԱՄՆ-ից տեղափոխեցին նրա հարազատ քաղաք՝ Գյումրի: Գյումրեցիները հնարավորություն ունեցան վերջին հրաժեշտը տալ անվանի ծանրորդին Սուրբ Հակոբ Սօբենցի եկեղեցում, որտեղ անցկացվեց հոգեհանգստի արարողություն:

Նոյեմբերի 13-ին լեգենդար մարզիկի աճյունը տեղափոխեցին Երեւան: Հայաստանի մայրաքաղաքի Կարեն Դեմիրճյանի անվան մարզահամերգային համալիրում սպորտի երկրպագուներ, Հայաստանի հասարակայնության ներկայացուցիչներ, երկրի ղեկավար այրեր, հասարակական, քաղաքական եւ սպորտային աշխարհի հարյուրավոր անձինք վերջին հրաժեշտը տվեցին հայկական եւ համաշխարհային սպորտի լեգենդ Յուրի Վարդանյանին:

Հանգուցյալին հարգանքի տուրք մատուցեց Հայաստանի վարչապետի պաշտոնակատար Նիկոլ Փաշինյանը, իսկ հոգեհանգստի կարգը մատուցեց Ամենայն Հայոց կաթողիկոս Գարեգին Երկրորդը:

Յուրի Վարդանյանին հուղարկավորեցին Երեւանի Կոմիտասի անվան պանթեոնում:

Հայկական սպորտի լեգենդ, օլիմպիական խա-

ղերի չեմպիոն Յուրի Վարդանյանը ծնվել է 1956 թվականի հունիսի 13-ին: 1977 թվականին ստացել է ԽՍՀՄ սպորտի վաստակավոր վարպետի կոչում: 1980 թվականին ավարտել է Լենինականի մանկավարժական ինստիտուտը: 1977-1979, 1980-1981, 1983, 1985 թվականներին դարձել է աշխարհի չեմպիոն եւ գավաթակիր: 1980 թվականին՝ օլիմպիական չեմպիոն: 1977-1978, 1980-1981, 1983 թվականներին Եվրոպայի չեմպիոն եւ գավաթակիր: 1977, 1979, 1981 թվականներին՝ ԽՍՀՄ չեմպիոն եւ 1976 թվականին՝ գավաթակիր: 1978-1981 թվականներին ճանաչվել է աշխարհի լավագույն ծանրորդ: 1985 թվականին սահմանել է աշխարհի 43 ռեկորդ: 1980 թվականին, միջին քաշում, առաջինը երկամարտի ցուցանիշը հասցրել է 400 կգ-ի: 2009 թվականին նշա-



նակվել է Հայաստանի նախագահի խորհրդական: 2013 թվականի մայիսի 8-ին նշանակվել է Հայաստանի սպորտի եւ երիտասարդության հարցերով նախարար, իսկ 2014 թվականի հունիսի 24-ին Հայաստանի նախագահի հրամանագրով նշանակվել՝ Վրաստանում Հայաստանի արտակարգ եւ լիազոր դեսպան, այդ պաշտոնում է մնացել մինչեւ 2017թ.: Ապա նշանակում է ստացել ԱՄՆ-ում Հայաստանի հյուպատոսությունում:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԱՌՈՂՋԱՊԱՅՈՒԹՅՈՒՆ

ՀԱՄԸՆԴՅԱՆՈՒՐ ԱՌՈՂՋԱՊԱՅՈՒԹՅԱՆ ԾՐԱԳԻՐԸ ԿՇԱՐՈՒՆԱԿԻ

ԶԵՂԶ՝ «ՀԵՐՑԵՊՏԻՆԻ» ԶԵՆՔԲԵՐՄԱՆ ՀԱՄԱՐ

Վրաստանի փախստականների, աշխատանքի, առողջապահության եւ սոցիալական պաշտպանության նախարար Դավիթ Սերգենցկոյի հայտարարությամբ, Վրաստանում համընդհանուր առողջապահության ծրագիրը հաջորդ տարվանից շարունակվելու է նույն ձևով, ինչ մինչ այդ էր:

Նրա խոսքով, Դավիթ Սերգենցկոն, համընդհանուր առողջապահության ծրագրի առնչությամբ ապահովագրական ընկերությունների կողմից որեւէ տիպի պնդումների մասին տեղեկություն չունի:

- Համընդհանուր առողջապահության ծրագիրը շարունակվելու է այն ձևով, ինչպես գոյություն ունի, նրա ծավալը կավելանա բյուջեով, ինչպես բժշկական ծառայությունների տեսանկյունից, այնպես էլ՝ նոր դեղամիջոցների տեսանկյունից, - հայտարարել է Դավիթ Սերգենցկոն:

Բացի այդ, Վրաստանի փախստականների, աշխատանքի, առողջապահության եւ սոցիալական պաշտպանության նախարարությունն ընդլայնում է կրծքագեղձի քաղցկեղի բուժման համար նախատեսված դեղամիջոցների ապահովման ծրագիրը:

Գերատեսչության ղեկավար Դավիթ Սերգենցկոյի հայտարարությամբ, 2019 թվականի հունվարի 1-ից պետությունը կֆինանսավորի կրծքագեղձի քաղցկեղի բուժման «Հերցեպտին» դեղամիջոցի ձեռքբերման 80 տոկոսը նաեւ չորրորդ կարգի հիվանդների դեպքում:


Նրա խոսքով, դեղամիջոցի հիմնականում պետպատվերով (80%) ձեռքբերումը մինչեւ այսօր վերաբերում էր առաջին, երկ-

րորդ եւ երրորդ կարգի հիվանդներին:

Դավիթ Սերգենցկոն անդրադարձավ նաեւ երկրի Ինֆեկցիոն պաթոլոգիայի, ՁԻԱՀ-ի եւ իմունոլոգիայի գիտագործնական կենտրոնի տարածած տեղեկատվությանը, ըստ որի տարեսկզբից Վրաստանում ՁԻԱՀ-ով հիվանդների թիվն ավելացել է 570-ով: Նախարարի խոսքով, ներկայումս մշակման փուլում է ՁԻԱՀ-ի տարածման դեմ իրականացվելիք միջոցառումների ծրագիրը:

Ըստ տեղեկատվության, 2018 թվականի նոյեմբերի 6-ի դրությամբ, ընդամենը երկրում գրանցվել է ՁԻԱՀ-ով հիվանդանալու 7 հազար 332 դեպք: Հիվանդներից 5 հազար 486-ը տղամարդիկ են, 1846-ը՝ կանայք: Մեծամասնությունը 29-ից 40 տարեկան են: Հիվանդությունից մահացել է 1495 մարդ: ՁԻԱՀ-ով հիվանդներից 2 հազար 587-ը ախտորոշվել է Թբիլիսիում: Նշենք, որ Վրաստանում ՁԻԱՀ-ի առաջին դեպքը գրանցվել է 1989 թվականին:

ՍԻՄՈՆ ԿԻԼԱԶԵ



ԶԲՈՍԱՇՐՋԻԿՆԵՐԻ ԹԻՎԸ ԿԳԵՐԱՋԱՆՑԻ 8,5 ՄԻԼԻՈՆԻ ՆՇԱԳԻԾԸ

Վրաստանի զբոսաշրջության ազգային վարչության տվյալներով, Վրաստանում տարեցտարի աճում է զբոսաշրջային այցերի քանակը:

Զբոսաշրջության ազգային վարչության ղեկավար Գիորգի Չոգովածեի հայտարարությամբ, 2018 թվականի հոկտեմբերին Վրաստան է կատարվել միջազգային 719,140 այց, նախորդ տարվա հետ համեմատ՝ գրանցվել է 9 տոկոս աճ:

Ինչ վերաբերում է 2018 թվականին, ապա զբոսաշրջության ազգային գործակալությունում գտնում են, որ տարվա վերջին զբոսաշրջիկների քանակը գերազանցելու է 8,5 միլիոնը:

ՊԱՅԹՅՈՒՆ՝ ԲՆԱԿԵԼԻ ՇԵՆՔՈՒՄ

Նոյեմբերի 15-ին, Թբիլիսիում, Ջեմո Փոնիճալա թաղամասում պայթյունի հետեւանքով զոհվել են երկրորդ հարկի բնակվող մայրն ու երեխան, եւս տուժել է երեք մարդ:

Արտակարգ իրավիճակների կառավարման ծառայության տեղեկությամբ, հավանաբար, բնական գազի պայթյունը բնակելի շենքի 3-րդ եւ 4-րդ հարկերում դարձել է փլուզման պատճառ:

Նշենք, որ Թբիլիսիի թաղաքապետարանի որոշմամբ մասնաշենքում ապրող բոլոր 28 ընտանիքներին ժամանակավորապես հատկացվել է այլ բնակտարածք:

ՄԵԿ ՏԱՐԿԱ ԱԶԱՏԱԶԻՎՈՒՄ ԹՄՐԱՆՅՈՒԹԻ ԱԶԴԵՑՈՒԹՅԱՆ ՏԱԿ ԳՏՆՎՈՂ ՎԱՐՈՐԴՆԵՐԻՆ

2019-ի ապրիլի 1-ից քրեական պատասխանատվության կենթարկվեն Վրաստանում թմրանյութի ազդեցության տակ ավտոմեքենա վարողները: Քրեական օրենսգրքում նոր հոդված է ավելացել, ըստ որի մեքենայի ղեկին թմրանյութ օգտագործած վարորդը կտուգանվի կամ կազատագրվի մեկ տարի ժամկետով:

Մինչեւ հոդվածն ուժի մեջ մտնելու պահը՝ 2019-ի ապրիլը, ՆԳ-ն համապատասխան միջոցառումներ կիրականացնի:



Վրաստանի խորհրդարանի Դմանիսիից եւ Ծալկայից մեծամասնական պատգամավոր Կախա Օքրիաշվիլին հանդես է եկել «Բարձրալեռ տարածաշրջանների զարգացման մասին» օրենքում փոփոխություններ կատարելու նախաձեռնությամբ:


Գ ո Ր - ծող օրենքի համաձայն, բարձրալեռ բնակավայրի կարգավիճակ տրվում է այն բնակավայրերին, որոնք բավարարում են հինգ չափորոշիչ: Մեծամասնական պատգամավորը կառավարությանը առաջարկում է բարձրալեռ բնակավայրերի համար նախատեսված արտոնությունները սահմանել նաեւ բացառիկ դեպքերում, մասնավորապես, շնորհիվ այդ կարգավիճակը նաեւ ծովի մակերեսներից համապատասխան բարձ-

րության վրա գտնվող բնակավայրերին: Օրենսդրական նախաձեռնության հիման վրա ծրագրված փոփոխություններն իր համաձայն, բացառիկ դեպքերի ցանկը կազմելու է կառավարությունը: Պատգամավորի պարզաբանմամբ, փոփոխությունների անհրաժեշտությունը պայմանավորված է աշխարհագրական կամ ժողովրդագրական միեւնույն պայմաններում գտնվող գյուղերի միջեւ ստեղծված անհավասարությամբ: Մասնավորապես, Դմանիսիի մունիցիպալիտետի 58 բնակավայրերից 49-ին շնորհվել է բարձրա-

լեռ բնակավայրերի կարգավիճակ, իսկ մնացած 9-ը, որոնցից մի քանիսի դիրքը աննշան տարբերվում է կարգավիճակ ունեցող գյուղերի դիրքից, նման արտոնություն չունեն: Հետեւաբար, դրանք չեն օգտվում վերոնշյալ օրենքով նախատեսված սոցիալական, հարկային եւ աշխատավարձի հավելավճարի արտոնություններից:

- Ստեղծված իրավիճակն անարդարացի է համարում նաեւ տեղի բնակչությունը: Դմանիսիի մունիցիպալիտետի բնակավայրերից բացի, նույն իրավիճակն է նաեւ մյուս մունիցիպալիտետների բնակավայրերում, - հայտարարել է Կախա Օքրիաշվիլին:

Նշենք, որ օրենսդրական նախաձեռնությունը առաջիկա օրերին կներկայացվի խորհրդարանի բյուրոյի նիստին:



ԱՐԴԱՐԱՅՈՒԹՅՈՒՆ

ԱՆՑԿԱՑՎԵՑ ԱՐԴԱՐԱՅԻ ԸՆՏՐՈՒԹՅՈՒՆՆԵՐԻ ԱՆՑԿԱՑՄԱՆ ՄԻՋԳԵՐԱՏԵՍՉԱԿԱՆ ՀԱՆՁՆԱԺՈՂՈՎԻ ՀԵՐԹԱԿԱՆ ՆԻՍՏԸ

Նոյեմբերի 15-ին անցկացվեց արդարացի եւ ազատ ընտրությունների համար միջգերատեսչական հանձնաժողովի 13-րդ նիստը: Միջոցառմանը ներկա էին գործադիր իշխանությունից, ընտրական գործընթացին մասնակից քաղաքական կուսակցություններից, տեղական ոչ կառավարական միջազգային կազմակերպություններից հանձնաժողովի անդամները: Նիստը անցկացվեց հանձնաժողովի նախագահ, Վրաստանի արդարադատության նախարար Թեա Շուլուկիանու ղեկավարությամբ:

Հանձնաժողովի անդամները լսեցին «Միասնական ազգային շարժման» կողմից բաժանված երաշխիքային հավաստագրերի հարցով ընթացող հետաքննության վերաբերյալ գլխավոր դատախազության, ներքին գործերի նախարարության եւ պետական անվտանգության ներկայացուցիչների տեղեկատվությունը: Ներկայացված փաստերի հետաքննությունը շարունակվում է: Ելնելով նրանից, որ տեղեկատվություն ունեցող անձինք հաճախ ներգրավված են ընտրական գործընթացում, ուժային կառույցներում առավելագույնս փորձում են չարգելակել ընտրական գործընթացը եւ հետաքննչական գործողություններն իրականացնել առանց նրանց գործունեության արգելակման:

Նիստում քննարկվեց նաեւ հանձնաժողովին ներկայացված տեղեկատվությունը, որն առնչվում էր նախագահության անկախ թեկնածու Սալոմե Ջուրաբիշվիլու եւ նրա ընտանիքի անդամների դեմ իրականացվող հնարավոր սպառնալիքին:

ՆԳ փոխնախարարի խոսքով, փաստի առթիվ հարուցվել է քրեական գործ երկու հոդվածներով, համապա-

տասխան գործողություններն իրականացվում են, եւ իրավապահ մարմինները հնարավոր ամեն ինչ անում են, որ միջգերատեսչական հանձնաժողովի արդեն հաջորդ նիստում ներկայացնեն հետաքննության մամուլամասն արդյունքները:

Միջգերատեսչական հանձնաժողովն անդրադարձավ նաեւ Թբիլիսիի մանկապարտեզներում մի քանի տնօրենների հնարավոր քաղաքական միտումներով ազատման հարցին: Մանկապարտեզների գործակալության տեղեկատվությամբ, մոնիտորինգի արդյունքում, այդ մանկապարտեզներում բացահայտվել են տարբեր տեսական մշակակալի հիմնախնդիրներ, այդ թվում՝ ֆինանսական խախտումներ, սանիտարահիգիենիկ նորմերի խախտումներ, սննդաբաժնի նվազեցում, գումարների սխալ եւ աննպատակ մխտում: Հենց դրանով է պայմանավորված կադրերի փոփոխությունը եւ այս պարագայում քաղաքական ենթատեքստը լրիվությամբ բացառվում է:

Հիշեցնենք, որ նախագահական ընտրությունների համար միջգերատեսչական հանձնաժողովը ստեղծվել էր



արդարադատության նախարարի հրամանագրով 2018 թվականի հուլիսի 1-ին: Ազատ եւ արդարացի ընտրությունների համար կազմված հանձնաժողովի նպատակն է՝ արգելել ընտրաքարոզարշավում վարչական ռեսուրսների օգտագործումը, ընտրությունների ժամանակ հանրային աշխատակիցների կողմից ընտրական օրենսդրության խախտումների կանխումը եւ բացահայտված խախտումներին արձագանքումը: Հանձնաժողովը ապահովում է միջգերատեսչական գործունեության համակարգում ու նպաստում Վրաստանի կառավարության եւ ընտրություններում ներգրավված բոլոր շահագրգիռ անձանց միջեւ երկխոսության անցկացմանը:

ՆԱԽԱԳԱՅՎԱԿԱՆ ԸՆՏՐՈՒԹՅՈՒՆՆԵՐ - 2018

ՄԱՍՈՒԿԱ ԲԱՆՏԱՅԵ. «ՎԱՏԱՅ ԵՄ, ՈՐ ՆՈՅԵՄԲԵՐԻ 28-ԻՆ ՄԵՐ ԺՈՂՈՎՈՒՐԴԸ ԿԿԱՏԱՐԻ ԱՐԺԱՆԻ ԸՆՏՐՈՒԹՅՈՒՆ»



«Վրացական երազանք»-ը, նրա բաղադրական թիմը, աջակցում են անկախ թեկնածու Սալոմե Ջուրաբիշվիլուն եւ վստահ եմ, նոյեմբերի 28-ին մեր ժողովուրդը կկատարի ար-

ժանի ընտրություն, որը մեր ազգային շահերից է բխում»,- նշված հայտարարությամբ Վրաստանի վարչապետ Մամուկա Բախտաձեն պատասխանեց լրագրողների հարցին, թե ինչու է Բիժինա Իվանիշվիլու լուսանկարը ընտրական պաստառի վրա:

Վարչապետի խոսքով, Սալոմե Ջուրաբիշվիլու պաստառներին ավելացել են նոր ընտրական պաստառներ:

«Վրացական երազանքը» աջակցում է Սալոմե Ջուրաբիշվիլուն եւ բնական է, մեր թիմը ներգրավված է նախընտրական գործընթացներին, այդ թվում նաեւ նրա հիմնադիր Բիժինա Իվանիշվիլին»,- հայտարարեց Մամուկա Բախտաձեն:

ՍԱԼՈՍԵ ԶՈՒՐԱԲԻՇՎԻԼԻ ՆՈՒՅՆՊԵՍ ԳՈՐ ՉԷ ԿԸՅԻ ՈՐՈՇՈՒՄԻՑ

«Վրացական երազանք»-ի աջակցությունը վայելող նախագահի թեկնածու Սալոմե Ջուրաբիշվիլին, նոյեմբերի 14-ին, նախքան նախագահական ընտրությունների երկրորդ փուլի օրվա վերաբերյալ ԿԸՅ-ի որոշումը, լրագրողների հետ ճեպագրույցում հայտարարել է, որ վատ կլինի, եթե ընտրությունները նշանակվեն աշխատանքային օր, քանի որ սփյուռքը չի կարող ակտիվ մասնակցություն ունենալ: Ջուրաբիշվիլու խոսքով, սփյուռքի ներգրավվածությունը բխում է պետության շահերից:

«Ես մտահոգված եմ, քանի որ, ամենայն հավանականությամբ, կղժվարանա սփյուռքի մասնակցությունն ընտրություններին»,- հայտարարել է Սալոմե Ջուրաբիշվիլին:

ՍԱԼՈՍԵ ԶՈՒՐԱԲԻՇՎԻԼԻ. «ԻՆՁ ԵՎ ԻՄ ԵՐԵՒԱՆԵՐԻՆ ՍՊԱՌՆՈՒՄ ԵՆ, ՍՊԱՌՆԱԼԻՔՆԵՐԸ ԻՐԱԿԱՆ ԵՆ»

Նոյեմբերի 12-ին, Վրաստանի նախագահի թեկնածու Սալոմե Ջուրաբիշվիլին, հայտարարեց, որ իրեն ու իր երեխաներին կյանքից զրկելու սպառնալիքներով հեռախոսային հաղորդագրություններ են հղել Վրաստանի նախկին նախագահ Միխեիլ Սաակաշվիլու կողմից հիմնադրված «Միասնական ազգային շարժում» կուսակցության կողմնակիցները: «Անցած հանգստյան օրերին ինձ ու իմ երեխաներին ուղարկված հեռախոսային հաղորդագրություններում մեզ կյանքից զրկելու սպառնալիքներ են գրել:

Սպառնալիքներն իրական են: Այդ ուղերձների հեղինակներն արդեն բացահայտված են, նրանք նախկին զինվորականներ են, «Միասնական ազգային շարժում» կուսակցության կողմնակիցներ»,- ասել է Ջուրաբիշվիլին: Նա կոչ է արել իրավապահ մարմինների ներկայացուցիչներին՝ համապատասխան միջոցներ ձեռնարկել:

Նախագահի անկախ թեկնածու Սալոմե Ջուրաբիշվիլու եւ իր ընտանիքի անդամների հանդեպ սպառնալիքի փաստով Ներքին գործերի նախարարությունը հետաքննություն է սկսել: Քրեական գործ է հարուցվել Վրաստանի ԲՕ 284-րդ հոդվածի առաջին եւ 151-րդ հոդվածի առաջին մասերով:



ԳԵՂԵՎԱՆ ՓՈԹԽԱՅԵ. «ՔԱՂԱՔԱՑԻԱԿԱՆ ՊԱՏԵՐԱԶՄԻ ՄԱՍԻՆ ՀԱՅՏԱՐԱՐՈՒԹՅԱՆ ՀԱՄԱՐ ՉԵՄ ԶՂՋՈՒՄ»

«Վրացական երազանքի» անդամ, Ասպինձայից, Ախալքալաքիից եւ Բորժոմիից Վրաստանի խորհրդարանի մեծամասնական պատգամավոր Գեղեւան Փոփխաձեն, «Ախալի թառք» թերթին տված հարցազրույցում, անդրադառնալով նախագահական ընտրություններին նախորդած իրավիճակին, հայտարարեց, որ ստեղծված իրավիճակով էր պայմանավորված այն, որ կառավարող թիմը իր թեկնածուին չառաջադրեց եւ պաշտպանեց անկախ թեկնածուին: «Դրանից ելնելով, ընդդիմությունը շուրջ երեք ամիս դավաճաններ սկսեց անվանել:

Այդ ամենը հասարակության շրջանում լարվածություն առաջացրեց: Ոչ մեկը չի ցանկանում քաղաքացիական դիմակայություն, ոչ մեկը չի ցանկանում, որ Սաակաշվիլին սպիտակ ձի հեծած մուտք գործի Վրաստան, իրականացվի նրա սոցիալական արդարացումը, ոչ մեկը չի ցանկանում երկրում իրարանցում առաջացնել»,- հայտարարել է պատգամավորը եւ հավելեց, որ սոցիալական շարժառիթ ունեցող ընտրողները ցանկանում են կենսաթոշակի ավելացում: «2է» որ ընտրողներին խոստացել են 400 լարիի կենսաթոշակ, ընտրողները հենց այդ 400 լարի կենսաթոշակն են պահանջում

եւ ոչ թե երկրում իրարանցման ստեղծում եւ Սաակաշվիլու վերադարձ»,- ընդգծել է Գեղեւան Փոփխաձեն:

Թերթի հարցին, թե պատգամավորը, արդյոք, չի՞ զղջում քաղաքացիական պատերազմի մասին արված հայտարարության համար, Գեղեւան Փոփխաձեն նշեց. «Ո՛չ, չեմ զղջում: Նրանք դրա համար ամեն ինչ անում են, իսկ ես ինչ է հայտարարություն էլ չեմ անելու, որը կանխիչ բնույթ ունի: 2է՞ որ պետք է ասել, թե ինչ սպառնալիքներ է պարունակում քաղաքական շարժառիթներով պայմանավորված համայնությունը: 2է՞ որ բոլորի համար ակն-

հայտ է, թե ինչ է նշանակում նախագահի կողմից քաղաքական շարժառիթով ընդունած որոշումը համայնքում կապակցությամբ: Եթե նախագահը համայնքում է շնորհում իր քաղաքական դաշնակիցներին, ապա դա անպատեղիության խրախուսիչ հանգամանք է, կոնկրետ մարդկանց համար ապագայի ինդուլիգենցիա»,- հայտարարեց Գեղեւան Փոփխաձեն:

Անդրադառնալով նախագահական երկրորդ փուլի հետ կապված սպասումներին, պատգամավորը նշեց, որ հասարակությունը իրատեսորեն կնոտենա հարցին: «Կարծում եմ, որ այն ընտրողները, ովքեր 2012 թվականին ընտրություն կատարեցին, այսօր էլ դուրս կգան եւ ճիշտ ընտրություն կկատարեն: Հավատում եմք, որ այն մարդիկ, ովքեր անտարբերություն ցուցաբերեցին առաջին փուլում, հիմա կկատարեն արժանի ընտրություն»,- հարցազրույցում նշել է Գեղեւան Փոփխաձեն:

«ՎԱՆԱՅԵԻ ՆԱԽԱԳԱՂՈՒԹՅԱՆ ԴԵՊԵՈՒՄ ԳՈՐԾԵՆԹԱՅՆԵՐԸ ԿՏԵՂԱՓՈԽՎԵՆ ՓՈՂՈՑ»

«ՆՈՐ ԿՈՐԱԲԻՏԱՑԻԱՆ ՈՉ ՄԻ ԼԱՎ ԲԱՆԻ ՉԻ ՀԱՆԳԵՑՆԻ»

Քաղաքագետ Վախթանգ Չաբիրաձեի կարծիքով, ընտրական քարոզարշավի ընթացքում երկրում ստեղծված իրավիճակն այնպիսին է, որ անկախ նրանից, թե ով կդառնա նախագահ, միեւնույն է, ոչ մի կողմը չի կարողանա հաշտության եզրեր գտնել մյուսի հետ:

- Այսօր իրավիճակն այնպիսին է, ինչպես 2012 թվականին, միայն թե դիրքերի փոփոխմամբ: Այն ժամանակ իշխանության գլուխ էր կանգնած «Ազգային շարժումը», իսկ այսօր՝ «Երազանքը»: Իսկ ընտրողները ինչպես պառակտված էին վեց ամիս առաջ, այսօր էլ մնում են նույն վիճա-

կում: Այնպես որ, անկախ նրանից, թե ով կհաղթի, միեւնույն է, մյուս կողմի հետ հաշտեցման եզր չի կարողանա գտնել,- նշեց քաղաքագետը:

Անդրադառնալով հարցին, թե ինչպես կզարգանան իրադարձությունները, «Ազգային շարժման» թեկնածուի հաղթանակի դեպքում, քաղաքա-

գետը նշեց, որ նման պայմաններում գործընթացները կտեղափոխվեն փողոց: «2է՞ որ Վաշաձեն ինքը հայտարարեց, որ կարող է փողոց դուրս բերել 50-100 հազար մարդ, այսինքն՝ նա պատրաստ է դառնալ ընդդիմության ղեկավար եւ չմնալ օրենքով սահմանված շրջանակներում: Իսկ այդ քաղաքական ուժը ամեն ինչ կանի, որպեսզի վերադառնա իշխանության գլուխ, սակայն դա կարող է լինել միայն փողոցի օգնությամբ»:

Քաղաքագետի կարծիքով, գործընթացների զարգացումը հնարավոր է սպասել գարնան սկզբներին:

Քաղաքագետը խոսեց նաեւ նման պարագայում կոհաբիտացիայի անխուսափելիության մասին, նշելով, որ 2012 թվականին կոհաբիտացիայի առաջին փորձը երկրի համար ոչ մի լավ բանի չհանգեցրեց: «Մենք արդեն դա տեսել ենք եւ չեմ կարծում, որ մեր մարդկանց մոտ այն կրկնելու ցանկություն լինի»,- ընդգծեց քաղաքագետը:

ՍՈՑԻԱԼԱԿԱՆ

ԿԱՎԵԼԱՑՎԻ ՍԱՀՄԱՆԱՓԱԿ ՀՆԱՐԱՎՈՐՈՒԹՅՈՒՆՆԵՐ ՈՒՆԵՑՈՂ ԱՆՁԱՆՑ ՆՊԱՍՏԸ

Նոյեմբերի 13-ին, Վրաստանի վարչապետ Մամուկա Բախտաձեն, երկրի կառավարության գրասենյակում, հանդիպում ունեցավ սահմանափակ հնարավորություններ ունեցող անձանց հետ:



Ինչպես նշեց վարչապետը, գործադիր որոշում է ընդունել 2019 թվականի հունվարի 1-ից բարձրագույն այդ կատեգորիայի երկրորդ խմբի քաղաքացիների նպաստը 20 լարիով: Վարչապետի խոսքով, Վրաստանում, ներկա դրությամբ, հաշվարկված է սահմանափակ հնարավորություններ ունեցող երկրորդ խմբի շուրջ 75 հազար մարդ: Հաջորդ տարվա հունվարի 1-ից նրանք, մինչ այդ սահմանված 100 լարիի փոխարեն, որպես սոցիալական օգնություն, կստանան 120 լարի:

Հանդիպմանը, որին մասնակցում էր նաեւ Վրաստանի առողջապահության նախարար Դավիթ Սերգենցկոն, քննարկվեց նաեւ սահմանափակ հնարավորու-

թյուններ ունեցող անձանց նկատմամբ տարվող քաղաքականությունը եւ գործողությունների առաջիկա ծրագիրը: Ինչպես հայտարարեց նախարարը, վարչապետի հետ կայացած հանդիպմանը քննարկվեցին մի շարք կոնկրետ հարցեր: «Նախ, ինձ եւ ֆիմանների նախարարությանը համապատասխան ֆիմանական ռեսուրս հայթայթել սոցիալական փաթեթի ավելացման համար, այսինքն՝ երկրորդ խմբի սահմանափակ հնարավորություն ունեցող անձանց կենսաթոշակի ավելացման համար: Նախնական տվյալներով, դրա համար կպահանջվի 17 միլիոն լարի»,- հայտարարեց Դավիթ Սերգենցկոն:

ԷԼԵԿՏՐԱԵՆԵՐԳԻԱՅԻ ՆՊԱՍՏՆԵՐ՝ ԲԱԶՄԱԶԱՎԱԿ ԸՆՏԱՆԻՔՆԵՐԻՆ

Հաջորդ տարվանից բազմազավակ ընտանիքների մի մասի էլեկտրաէներգիայի վճարը կմարի պետությունը: Նշված արտոնությունն է ենթադրում կառավարության որոշումը, որը հրապարակվել է օրենսդրական լրաբերի կայքէջում:

Վրաստանի կառավարության որոշմամբ, էլեկտրաէներգիայի սուբսիդիա՝ 20 լարիի տեսքով յուրաքանչյուր ամիս կստանա բազմազավակ ծնողի կարգավիճակ ունեցող անձը, որն ունի 4-ից մինչեւ 18 տարեկան երե-

խա: Իսկ 5-րդ եւ յուրաքանչյուր հաջորդ անչափահասի համար հավելյալ ոչ ավելի, քան 10 լարի, հաշվի առնելով օգտագործված էլեկտրաէներգիայի քանակը:

Նշված արտոնությունը բազմազավակ ծնողի կարգավիճակ ունեցող ընտանիքը կստանա այն դեպքում, եթե գրանցված է սոցիալական անապահով ընտանիքների տվյալների միասնական բազայում, եւ նրան շնորհված վարկանիշային միավորը 300 000-ից պակաս չէ:

ՕԳՆՈՒԹՅՈՒՆ՝ ՍՈՑԻԱԼԱԿԱՆ ԱՆԱՊԱՀՈՎ ԸՆՏԱՆԻՔՆԵՐԻՆ

Հաջորդ տարվա պետբյուջեի վերամշակված նախագծի համաձայն, փախստականների, աշխատանքի, առողջապահության եւ սոցիալական պաշտպանության հարցերով նախարարությանը հատկացվող գումարը կկազմի 3 մլն 937 հազար լարի:

Նախարարությանը տրամադրվող գումարը հիմնականում կուղղվի

սոցիալապես անապահով ընտանիքների միջին 16 տարեկան երեխաներին: Վերջիններիս կտրվի 50 լարիի չափով օգնություն: Նշվում է, որ սոցիալապես անապահով ընտանիքների մասին տվյալների բազայում գրանցված մինչեւ 16 տարեկանները կստանան 20 լարի եւ 30 լարի արժողությամբ սննդի հավաստագիր (վաուչեր):